

玄覽堂叢書

第五十一冊

no-1
0528908



528908 民國37.2.27

增脩清江漕船志

蓋一

通議大夫都察院右副都御史致仕前兵

部尚書

陸

清江漕船志初於元山續於點
白子嘉靖癸卯南川子來蒞廠
事復增脩焉併衛河之歸隸還
郡乘之久假約其卷為八目為
十其事則詳而核其文則簡而

嚴章其物采掇其體要一展卷
間見

帝略之宏焉見使命之重焉見
王賦之克焉見軍實之盛焉見經
制之密焉見憂樂之誠焉於我
國家培養靈長之脈締造鞏固之
基訐謨遠猶燦然在目猗與休

哉夫禹貢志山川也於貢賦則
殲入絲枲禹以之告成功周禮
志六典也記考工則木石毛革
之屬周公持以歸政焉斯志也
志潛政之大也器數昭矣品式
具矣材用飭矣綜理周矣防範
嚴矣而其細也不遺竹頭木屑

清舟餘
蓋必如是而後能理天下之財
能成天下之務上以副承遣之
命下以攄馳驅之懷抑有慮焉漕
舟本以利

國今乃滋病成化以前其病在民
以後其病在軍嘉靖以來不在
商則在廠蓋船日加而日損價

歲增而歲不足其取解也常踰
年而給領也常不逮年或者乘
其病而因以為利則病益病矣
其在商乎其在廠乎吾不得而
知也然則如之何其可也曰任
人南川子簡易方具在醫
國者主治於上俾得以調劑於下

國病其瘳矣乎南川子姓朱氏名
家相字伯鄰歸德州人登嘉靖
戊戌榜進士其文章政事節行
於斯志見一斑云乎吾不削而
嘉靖甲辰歲鞠月望日益歲矣

漕船志敘

遂寧元山席書撰

慨我

皇明舟楫輓運南北會通蓋剡木
以來未有今日之盛也考惟天
下大派北則黃河南則大江自
古建都者多于西北漕舟所入

皆逆流而上獨我

國家始都大江之東繼都黃河之
北適當二派會極入海之地漕
舟所入皆順流而東此正萬派
朝宗百川納海

帝王之居孰有壯于此哉今昔皆
云漢唐而後兵力莫強于西北

財賦莫盛于東南此二都者雖
皆南北之要會必財賦兵力合
一不倚而後為全盛之都晉都
金陵輿地未統于西北元都幽
燕漕舟未大通於東南况元人
都此實以地便胡虜豈真知此
為天下之會邪

國家既遷河朔以控天下之大勢
而江南之粟不可廢也首覽群
議一濬真楚諸湖引江舟以入
淮再濬徐呂二洪引淮舟以入
濟最後疏汶河達清衛漳御而
濟舟長抵于直沽因罷海運改
從內河而濟利之具場廠之設

寔先務也乃于淮安南清河山
東北清河設二廠以提舉舟事
百年於茲長江大河一氣流通
漕舟南來遠自嶺北輻輳于都
下君子占人國家之盛于此可
見其大者故昔有遠夷入貢者
見吾舳舻千里謂醜類曰中國

之檣櫓多小夷之甲兵吾曹敢
異志乎由是觀之漕舟所繫匪
惟控御南北所以跨四海而肅
百蠻者亦尚倚壯於斯於戲盛
哉書承

朝命來領淮厥暇于建始之由允
運之次造作之地計艘之數歲

運之額財計之所用運道之所
經與夫漕卒之利病積年之事
宜凡關於舟事者考尋故典采
拾大要編次一帙名曰漕船志
使

國家文獻有徵披覽之間南北形
勢漕運規模始末可以槩見司

形史者或有錄焉斯亦今日纂
脩會典之一助也此志言者之
大也至於志有未言因志而可
考者今日漕舟之數實未增損
于管時也

祖宗時承事者衆而食之者寡今
之承事者寡而食之者衆是將

何道以處之有識者曰與其多
漕粟之舟不若節食粟之士此
名言也是用叙之志首萬或下
有獻納之臣而

九重采焉則今日之漕舟將與長
江大河混南北于無涯也此亦
滴水東流之意也

弘治辛酉歲春三月吉旦

增脩漕船志敘

漕船舊有志元山公寔創之正德中重刻於
丁君敬夫板久寢以漫漶相也不類擬翻刻
以傳而猶嘆夫元山公之意有未竟也是故
時有令昔政有沿革漕規凡幾變始協厥衷
視舊貫互有同異且衛河之歸隸已久而與
章制度闕如也不有增定後也何徵小子亦
何敢讓乃訂故拓新期無乖於永式三閱月

始擗撫成編僭踰之罪諒無於逃而作者之
志則莫之敢異也嗟乎愚觀造舟之後而因
重有感矣夫造舟小技也程材信度事必稟
於工師而其操之也行若止亦惟楫師之為
聽何哉欲涉之利也漕運

國家之重計也儲胥數百萬銜尾而輸京師其
倚辦於舟不亦重乎董其役者苟自信而固
稽於典則謬用是長其病漕也滋甚難乎免

於官之戾矣昔子文舉政以告新劉昭補志
而成史君子有取焉相也非其徒也敢曰既
盡其心庶幾彰往告來相期靖共於斯役少
裨於

國無病於漕焉爾矣若夫刪蕪補缺發小子之
蒙以竟元山公之初意使是編將為昭焉則
當在君子矣歸德朱家相謹敘

當山爲千笑... 漕船志

增修漕船志凡例

一編纂揭書其名分注其事僭擬古志書法
每條列以小敘或援前代故實經傳格言
引其端諸所紀載悉本之舊志蒐之往牒
訪之耆舊不敢妄自增損

一舊志凡船數船號歲辦工辦之屬各分爲
類計目三十有二今稍加彙括爲卷八爲
目十使各以類附便觀覽也

一志以漕船爲重其清江人物土產古蹟寺觀之類義無於麗者姑去之

一官屬人役法例興革舊志未載今增入備考據也

一事有裨於漕政未卽施行者間嘗參以臆見僭爲敘論則冠一按字或書名以別之一志以清江爲主凡衛河歸隸始末事宜悉附於各條之後不復立例

一漕船舊隸本廠後改隸各衛猶必附錄其船數者存舊也

一凡載先代名賢及

本朝名公事文往往直書姓名臨文不諱故也

一志中紀載隨文剪裁取見大義而止其關係尤重足備稽考者則詳見別條

一載詩文不拘體裁惟以歲序爲先後

一每卷虛其左方以俟賢者訂譌補闕

漕船志序

漕船志目錄

第一卷

建置

廠地

草場

閘壩附

第二卷

奉使

第三卷

船紀

船數
船限附

船式

船號

船等

第四卷

料額

蕪杭歲辦
軍餘工辦

城

允辦
辦附

人匠工辦

第五卷

公署

官屬

人役

第六卷

法例

第七卷

興革

條約附

第八卷

藝文

建置

志首建置何邇建廠之源也夫治艘以

導衆

國計允賴建廠以治艘漕政之所先也是故

也

序

第五卷

公署

官署

人役

軍器

軍器

軍器

續詳

漕船志卷之一

遂寧元山席書編次

歸德後學朱家相增脩

建置

志首建置何溯建廠之源也夫治艘以
轉粟

國計允賴建廠以治艘漕政之所先也是故
地控上游規制弘矣法監前代綜理周

漢書卷之六十一
一
矣官省剝員責成易矣此

明興經國理漕之善所以度越千古與志建置

三代而上漕法未備建置無所於考

古者封建

井田各有定制天子中千里爲都所貢入者不出畿封之內禹貢曰四百里粟五百里米是也蓋是時卿大夫各有采地而兵賦寓於農無後世養官養兵之費也

初命河南以東造舟五百艘歲漕東方之

粟於關中

漢用張良議漕山東之粟以給中都官歲不過數十萬石武帝

時用粟漸多歲始至四百萬石漕法至是寢備矣

唐代宗時劉宴

領漕事乃於揚子置十場造船每艘給錢

千緡

或言所用實不及半虛費太多晏曰不然論大計者不計小費凡事必爲

末久之慮今始置船塢執事者衆當先使之私用無窮則官物堅完矣他日必有患吾多而減其半猶可也過此則不能運矣至今趨之

宋初命温台婺

楚諸州設塢歲造運舟共三千三百餘艘

分綱而運

處州六百五吉州五百二十五明州一百七十七婺州一百三

十温州一百二十五台州一百二十六楚州八十七潭州二百八十鼎州二百四十

一鳳翔斜谷六百嘉州四十五天禧

未議於各州歲減造四百二十一

國朝洪武元年

詔中書省議漕四方之粟於京師洪武三十年

議海運遼東以給軍餉是時河海運船俱

派造川湖諸省及龍江提舉司

當時每年會計糧運

應用船隻俱派湖廣四川諸省產木近水州縣軍民相兼成造亦有造於龍江關者

未樂間肇建清江衛河二廠督造運船

舊傳

未樂七年淮安臨清肇建清江衛河二廠

竊惟十二年以前雖由海運內有黃河運

至衛河漕船以是而知船廠設於是

年之前明矣但不知的爲七年否也南京

直隸江西湖廣浙江各總裏河淺船俱造

於清江遮洋海船并山東北直隸三總淺

船俱造於衛河大約造於清江者視衛河

多十之七因罷海運故以便於裏河者爲淺船從儀真徐淮臨德運至通

州遮洋海船由山東北直隸從直沽入海轉白河運至薊州先年遮洋船多隸清江

廠成造尋改隸衛河宣德間議造江西湖廣浙江江

南直隸各總淺船俱歸原衛惟南京鎮江

江北直隸諸衛隸於清江各就水次兌軍不專在淮安常

濟州志卷一
三
盈倉支運故歸原
衛造船以便物料
是後各船雖歸原衛計

料脩造仍從清江

凡各船回至清江本廠
行委提舉司官匠估計

應該脩理或改造合用料物填註票帖給
官軍回至原衛照數支給買料脩造後因
各船守候日久本司方行估計稽悞回程
成化十年以後議令各司府自行估計脩
理
成化二十一年議將衛河總遮洋海船

山東北直隸淺船聽官軍領價從便成造

是後官軍給領料價多在儀真自造雖有
衛河廠主事代管緣地里隔遠不能遙制
往往侵費料價以致船隻脆薄不堪駕運
甚有中途拆改舊船塘塞及將船隻盜賣

而逃者奸弊尤甚

成化二十三年議造鎮江淺船

亦改歸原衛

是年御史謝文郎中洪漢奏將直隸鎮江衛船比照蘇松

事例歸本處成造及將通泰鹽城三所分撥軍餘一體出辦料銀五兩

正德

十六年刑科給事中田君賦建議欲將衛

河總運船俱歸隸清江廠下本部議之

該本

部議得所奏深切事宜但各總運船原分屬清江衛河二提舉司監造今當就中量為損益未敢輕議嘉靖三年奉本部題

准將衛河總運船俱歸清江廠團造

該本部尚書趙公璜

題為祛積弊復舊規以清漕運事議將山東北直隸遮洋三總運船今後督令官旗俱赴清江廠聽本部主事監督成造衛河廠衙門未幾裁革詳見法例

按蕪湖儀真群商四會百木交集船廠不設於二處而設於清江何也緣永樂初江南糧餉民送於淮官軍運船俱於淮安常盈倉轉輸此廠之所由建也况長淮分天下之中北達河泗南通大江西接汝蔡東近滄溟乃江淮之要津漕

渠之喉吻船廠之建非但便於轉輸實
我

國家一統之訐謨萬世之長計也

出舊志

廠地

廠地界山陽清河二縣之間東西去縣
各三十里在宋元爲沙河末樂初平江
伯陳公瑄督漕查閑曠之地建蓋廠房
令各衛所官旗鱗次而居以爲造船之

所其地南枕運河淮水縈迴鉢池環拱
肆煙津樹映帶帆檣亦淮南之形勝也
廠之總有四

京衛 中都 直隸 衛河

京衛廠三十有四 東至頭牌樓戚家溝
西至都司廟長六里

水軍左廠 在都司廟東
龍虎左廠 在水軍左廠東

府軍後廠 在龍虎左廠東
虎賁左廠 在府軍後廠東

府軍右廠 在虎賁左廠東
金吾前廠 在府軍右廠東

府軍左廠

在金吾前廠東

瀋陽右廠

在府軍左廠東

興武廠

在瀋陽右廠東

江陰廠

在興武廠東

鷹揚廠

在江陰廠東

驍騎右廠

在鷹揚廠東

鎮南廠

在驍騎右廠東

龍江右廠

在鎮南廠東

神策廠

在龍江右廠東

留守中廠

在神策廠東

留守左廠

在留守中廠東

留守右廠

在留守左廠東

虎賁右廠

在留守右廠東

水軍右廠

在虎賁右廠東

豹韜廠

在水軍右廠東

羽林右廠

在豹韜廠東

龍江左廠

在羽林右廠東

豹韜左廠

在龍江左廠東

橫海廠

在豹韜左廠東

武德廠

在橫海廠東

龍虎廠

在武德廠東

旗手廠

在龍虎廠東

錦衣廠

在旗手廠東

府軍廠

在錦衣廠東

金吾後廠

在府軍廠東

羽林左廠

在金吾後廠東

應天廠

在羽林左廠東

廣洋廠

在應天廠東

中都廠十有二

東至黃泥岡西至福興閘長五里

鳳陽中廠

在黃泥岡西

洪塘所廠

在鳳陽中廠西

鳳陽右廠

在淇塘所廠西

留守左廠

在鳳陽右廠西

留守中廠

在留守左廠西

懷遠廠

在留守中廠西

潁川廠

在懷遠西

鳳陽廠

在潁川西

武平廠

在鳳陽西

長淮廠

在武平西

宿州廠

在長淮西

潁上所廠

在宿州西

直隸廠十有八

東至福興關西至韓信城長七里

大河廠

在福興關西

廬州廠

在大河西

儀真廠

在廬州西

淮安廠

在儀真西

歸德廠

在淮安
廠西

高郵廠

在歸德
廠西

興化所廠

在高郵
廠西

滁州廠

在興化
廠西

揚州廠

在滁州
廠西

通州所廠

在揚州
廠西

鹽城所廠

在通州
廠西

泰州所廠

在鹽城
廠西

六安廠

在秦州
廠西

泗州廠

在六安
廠西

徐州左廠

在泗州
廠西

壽州廠

在徐州
廠西

徐州廠

在壽州
廠西

邳州廠

在徐州
廠西

衛河廠十有八

東至都司廟西至部廠長
五里原係浙江廠地後為

軍民占種主事邵君
經濟查復之今建廠

臨清廠

在部
廠東

東平所廠

在臨清
廠東

平山廠

在東平
所廠東

濟寧廠

在平山
廠東

濮州所廠

在濟寧
廠東

任城廠

在濮州
所廠東

東昌廠

在任城
廠東

德州廠

在東昌
廠東

德州左廠

在德州
廠東

天津廠

在德州
左廠東

天津左廠

在天津
廠東

天津右廠

在天津
左廠東

神武中廠

在天津
右廠東

定邊廠

在神武
中廠東

通州左廠在定邊

通州右廠在通州

淮安廠在通州

大河廠在淮安

草場

原設草場三處先年各衛廠房窩鋪墻垣俱給官料緝蓋平江伯陳

公瑄踏出荒閑草場三處每廠分派一處逐年差撥官軍依時打草苫蓋脩補

京衛廠一處坐落寶應縣瓦店鋪地方東至大官莊小官莊西至

清溪溝旱塘南至三汊河石家蕩北至潘家住基

直隸廠一處坐落清河縣淮河北岸東至淮河西至趙信等民地

南至蔣家溝比至雙溝
長十里闊一十八丈

中都廠一處

坐落清河縣淮河東七里溝起
至洪澤大衝口止長六十餘里

闊十八步

閘壩

閘有五

永樂十四年平江
伯陳公瑄議設

板閘

在山陽縣北十里去司廠東一十
五里附移風閘官吏代管閘夫三

十名係山陽縣每年編送今
減去六名止存二十四名

移風閘

在山陽縣北十四里去司廠東
一十二里閘夫三十名係山陽

縣每年編送今減去
六名止存二十四名

清江閘

在山陽縣北二十七里去司廠
比一里閘夫四十名係山陽縣

每年編送正德間因閘道不通各壩車
船減去夫十名止存三十名今復減去
六名止存
二十四名

福興閘

在山陽縣北三十八里去司廠
西八里閘夫四十名係山陽縣

每年編送正德間減去十名止存三
十名今復減去六名止存二十四名

新莊閘

在清河縣南十里去司廠西一
十八里閘夫五十名清河縣每

年編送三十名安東縣編送二十
名今減去二十名止存三十名

壩有二

清江東壩

清江西壩

在淮河南岸去部廠僅里許
成化七年漕河水涸新莊開

閉漕司集議設壩於此以車運船官旗
甚便近年河流數派皆會灌新莊開口
每將開河淤淺若因時封閉以阻濁流
使運舟由二壩車運與清口對岸而渡
不惟可以避長淮之險亦可以省
開河挑濬之費矣後廢近議復置

漕船志卷之一終

漕船志卷之二

遂寧元山席書編次

歸德後學朱家相增脩

奉使

周官設御史掌百官名數先後之次漢
百官表紀衆職特詳制也建廠來奉使
於茲者聲華懋著輝映後先歷歲既深
流風漸歇不有紀載後將何稽今各表

以年而姓氏爵里畢列者備論世也失傳則闕備參考也官績不敢漫書俟定也存往詔來勸戒有赫其在茲乎志奉

使

水部之官其所由來遠矣益掌澤虞周建川衡漢置水衡都尉都水長貳晉置都水使者掌舟航及運部隋改都水令唐改都水局水衡監及舟楫令掌公私舟船及運

漕之事宋置都水監脩職如故

國朝設工部總四司都水其一永樂十三年

命工部差都水司官一員督理清江船廠

先年差官

川湖等處催造不為常例是年始差部官專理廠事是後或差主事郎中無定例焉

景泰後例差主事一員率三年一代天順

間漕運衙門題奉

欽依劄委兼管淮安一帶河道緣本廠收放船料不能離職辭之仍兼管清江等五閘正

德十五年四月內奉部劄題奉

欽依行令不妨原務兼管清江等五閘以時啓
閉著為例仍劄仰淮安府衛管河管閘官

吏一體

欽遵聽其提調管理

例凡奉使清江者率三年
代先任者將滿四月前先

具滿呈差人

赴部呈代候吏部註選一員

赴部到任仍

候題差領有劄付赴

府給領精微批

文兵部起闕應付前來相代

至廠之日於淮安府吊取本部原發號簿

比對硃墨字號

出同然後行事

年表

國朝

郎中

主事

文皇帝

末樂

癸未

元年

甲申

二年

乙酉

三年

丙戌

四年

丁亥

五年

戊子

年六

巳丑

年七

庚寅

年八

辛卯

年九

壬辰

年十

癸巳

年十一

甲午

年十二

乙未

年十三

丙申

年十四

謝彥誠

字籍失傳

丁酉

年十五

戊戌

年十六

己亥

年十七

庚子

年十八

辛丑

年十九

吳觀

字

江西人

壬寅

年二十

癸卯

年二十一

甲辰
二十年

昭皇帝
洪熙

乙巳
元年

章皇帝
宣德

丙午
元年

丁未
二年

戊申
三年

己酉
四年

擴家編
字畫大綱

長曆
五西八

庚戌

年五

辛亥

年六

壬子

年七

癸丑

年八

甲寅

年九

乙卯

年十

睿皇帝

正統

丙辰

年元



潘

名籍失傳

胡臻

字 山西陽曲
縣人貢士陸郎中

丁巳

年二

戊午

年三

己未

年四

庚申

年五

辛酉

年六

壬戌

年七

癸亥

年八

甲子

年九

趙簡

字文翰山東臨邑縣人
貢士歷官布政司參政

乙丑
年十

丙寅
年十一

丁卯
年十二

戊辰
年十三

巳巳
年十四

朱昂
字直隸無為州人貢士歷官參政

景皇帝
景泰

庚午
年元

辛未
年二

壬申

年三

項備

字安縣人貢士
浙江瑞

癸酉

年四

張溥

字平峪縣人貢士
順天府

甲戌

年五

乙亥

年六

張榮

字廣人貢士
湖

丙子

年七

歐陽熙

字和縣人進士
江西泰

睿皇帝

天順

丁丑

年元

相傑

字世英順天府
大興縣人進士

戊寅

年二

巳卯

年三

庚辰

年四

辛巳

年五

壬午

年六

癸未

年七

甲申

年八

純皇帝

成化

乙酉

年元

李昂

字文舉浙江仁和縣人
進士歷官漕運都御史

張鶴

字克臣直隸江都縣人
進士歷官布政司參政

丙戌

年二

楊懋

字克勤順天府宛平縣人進士陞郎中

丁亥

年三

戊子

年四

己丑

年五

沈黻

字直隸華亭縣人進士歷官知府

庚寅

年六

郭緝

字經陵縣人進士江西廬

辛卯

年七

壬辰

年八

屠勳

字元勳浙江平湖縣人進士歷官刑部尚書謚康僖

癸巳

年九

甲午

年十

蕭奎

字漢文直隸常熟縣人
進士歷官按察司僉事

乙未

年十一

丙申

年十二

丁酉

年十三

戊戌

年十四

己亥

年十五

庚子

年十六

吳郁

字文盛直隸休寧縣人
進士歷官布政司參政

辛丑

年十七

林瑩

字世南福建閩縣人
進士歷官布政司參議

壬寅

年十八

癸卯

年十九

甲辰

年二十

乙巳

年二十一

丙午

年二十二

丁未

年二十三

敬皇帝

弘治

戊申

年元

杜恒

字公武江西吉水縣人進士

徐澄

字繼升直隸華亭縣人書舍人

巳酉

年二

姚文灝

字秀夫江西貴溪縣人進士歷官提學僉事

庚戌

年三

辛亥

年四

壬子

年五

汪澤

字公溥浙江餘姚縣人進士

癸丑

年六

張琮

字廷獻應天府江寧縣人進士歷官都察院左都御史

甲寅

年七

乙卯

年八

丙辰

年九

王大用

字世顯直隸上海縣人進士

丁巳

年十

戊午

年十一

己未

年十二

庚申

年十三

辛酉

年十四

壬戌

年十五

癸亥

年十六

甲子

年十七

席書

字文同四川遂寧縣人進士歷官禮部尚書謚文襄

吳山

字仁卿直隸常州府武進縣人進士

曹崐

字來鳳錦衣衛鎮撫司官籍進士歷官布政司叅政

乙丑
年十八

陳炫
字文光廣東南海縣人
進士歷官布政司參議

毅皇帝
正德

丙寅
年元

丁卯
年二

戊辰
年三

邊偉
字朝儀直隸任丘縣人
進士歷官長蘆運使

巳巳
年四

庚午
年五

辛未
年六

畢濟時
字汝霖江西貴溪縣人
進士陞郎中

壬申

年七

癸酉

年八

甲戌

年九

乙亥

年十

丙子

年十一

丁丑

年十二

戊寅

年十三

己卯

年十四

王鏞

字汝直江西南
城縣人進士

任恩

字天錫直隸南
宮縣人貢士

陳煥

字子文浙江餘姚縣人
進士見任光祿寺卿

庚辰 十五年

丁瓚 字敬夫直隸丹徒縣人
進士歷官按察司副使

辛巳 十六年

今上皇帝 嘉靖

壬午 元年

癸未 二年

張綱 字美中江西吉水縣人
進士見任雲南按察使

甲申 三年

乙酉 四年

丙戌 五年

呂希周 字從野浙江崇德縣人
進士歷官通政司右通政

丁亥
年六

戊子
年七

己丑
年八

庚寅
年九

辛卯
年十

壬辰
年十一

癸巳
年十二

甲午
年十三

邵經濟
字仲才浙江仁和县人進士歷官知府

江東
字伯陽山東朝城縣人進士見任山西布政司參議

徐存義
字質夫浙江餘姚縣人進士歷官知府

乙未

年十四

高燿

字了潛直隸清苑縣人
進士見任太僕寺少卿

丙申

年十五

陳堯

字敬甫南直隸通州人
進士見任台州府知府

丁酉

年十六

戊戌

年十七

己亥

年十八

郭乾

字易甫直隸任丘縣人
進士見任戶部主事

葉選

字仁夫浙江餘姚縣人
進士見任本部郎中

庚子

年十九

辛丑

年二十

壬寅

二十一年

楊周

字道夫浙江錢塘縣人
進士

癸卯

二十二年

朱家相

字伯鄰河南歸德州人
進士

甲辰

二十三年

漕船志卷之二終

(B)
083
0079
v.51-56
[no.1]